

Karakalpakische Sproch

Der Artikl is im Dialekt Owaöstareichisch gschrim worn.

D'**karakalpakische Sproch**
(Eignbezeichnung: *Qaraqalpaq tili*, *Қарақалпақ тили*; kurz: *Qaraqalpaqsha*, *Қарақалпақша*) wiad zu de Tuaksprochn grechnt, genaua gsogt zu de kiptschakischn (nordwesttuakischen) Sprochn. Altanativbezeichnungen fias Karakalpakische san aa *Karaklobuk*, *Çorny* und *Klobouki* und aus da tüakischn Tuakologie *Qaraqalpaq Türkçesi* bzw. *Karakalpak Türkçesi* (Karakalpako-Tüakisch). De ISO-639-2-Sprochkennung ist KAA, an 639-1a-Code gibts ned.

Inhoitsvazeichnis

Vu wem und was greddt wiad

Klassifikazion

Laute

Vokalharmonie

Alphabete fias

Karakalpakische

Im Netz

Karakalpakisch		
Gredd in	<u>Usbekistan</u> (<u>Karakalpakistan</u>)	
Sprecha	400.000	
Linguistische Klassifikation	<div>▪ <u>Altaische Sprochn</u> (umstrittn)</div> <div><u>Tuaksprochn</u></div> <div><u>Kiptschakische Sprochn</u></div> <div>Karakalpakisch</div>	
Amtliche Status		
Amtssproch vo	Karakalpakistan	
Sprochcodes		
<u>ISO 639-2</u> :	(<u>B</u>) ?	(<u>T</u>) kaa

Vu wem und was greddt wiad

Hauptsächli wiads Karakalpakische in da Autonomn Republik Karakalpakistan in Westusbekistan greddt und stöinweis im Rest vum Laund. Bei da Voikszählung im 1989a-Joa haum si 398.573 Karakalpakn ois Muatasprochla deklarian lossn und 1.314 haums ois Zweitsprache augem. Außadem lem um de 2.000 Sprecha im Noadn vu Afganistan, kleanare Gemeindn mid Karakalpakisch-Redade findt ma aa in da Tiakei, in Kasachstan, Kiagisien, Tuakmenistan und in Russlaund.

Klassifikazion

Wia aa s'Kasachische, s'Tatarische Sprache und mearare aundane Sprochn ghead s'Karakalpakische zu de Kiptschakischn Sprochn]], ana Untagrupp vu de Tuaksprochn, de wieda vu maunche Linguistn zu de Altaischn Sprochn zöhd wean. Sprochwissnschoftla untaschein zwa bis drei vaschiedene Dialekte vum Karakalpakischn: an noadöstlichn und an südöstlichn und maunche moanan, es gibt an eignständign Dialekt im Feaganatoi. De im Karakalpakischn ähnlichstn Sprochn han s'Kasachische im engan Sinn und s'Nogaische in am weidan Sinn. Duach de geografische Nähe zum Usbekischn gibts im Karakalpakischn owa vüi grammatikalische und woatschotzmäßige Einflüsse vu duat.




Karakalpakischsprachige Gegenden in
Usbekistan (rot eingezeichnet)

Karakteristika vum Karakalpakischn san d'Vokalharmonie, da agglutinierende Sprochbau und dasss ka grammatikalischs Geschlecht gibt. D'Satzstellung is in da Rögi Subjekt-Objekt-Verb, betont wiad meistens de letzte Süm vu am Woat.

Laute

S'Karakalpakische hod anazwanzg „einheimische“ konsonantische Phoneme und via, de duach Lehnwörter eigroast san. Söistlaute kennt ma beim Karakalpakischn nei.



Karakalpakische Söistlaute

Mitlaute im Karakalpakischn

	Labiale	Alveolare	Palatale	Velare	Uvulare	Glottale
Nasale	<u>m</u>	<u>n</u>		<u>ŋ</u>		
Plosive	<u>p</u> <u>b</u>	<u>t</u> <u>d</u>		<u>k</u> <u>g</u>	<u>q</u>	
Affrikate		<u>tʃ</u> *)	<u>tʃ</u> *)			
Frikative	<u>f</u> *) <u>v</u> *)	<u>s</u> <u>z</u>	<u>ʃ</u> <u>ʒ</u>	<u>x</u> <u>ɣ</u>		<u>h</u>
Vibrantn		<u>r</u>				
Approximantn		<u>l</u>	<u>j</u>	<u>w</u>		
*) in Lehnwörter netta						

Vokalharmonie

Vokalharmonie haaßt, dass noch am Söibstlaud da nächste Söibstlaud ned a jeda beliabige sei deaf. Wie de Rögin dazua im Karakalpakischn ausschaun, siacht ma in da Taböin rechts; bei Wöata, de aus'm Russischn oda vu sunst wo hea kemma san, göitn de Rögin ned.

Vokalharmonie									
Söibstlaud	a	æ	e	i	o	œ	u	y	u
foing deafn	a,u	e,i	e,i	e,i	a,o,u,u	e,i,œ,y	a,o,u	e,œ,y	a,u

Alphabete fias Karakalpakische

Vagleich zwischn kürillischn und aktuelln Lateinalphabet und'm IPA-Weat

Kürillisch	Latein	IPA	Kürillisch	Latein	IPA	Kürillisch	Latein	IPA
Аа	Aa	/a/	Ққ	Qq	/q/	Фф	Ff	/f/
Әә	A'a'	/æ/	Лл	Ll	/l/	Хх	Xx	/x/
Бб	Bb	/b/	Мм	Mm	/m/	Ҳҳ	Hh	/h/
Вв	Vv	/v/	Нн	Nn	/n/	Цц *)	ts	/ts/
Гг	Gg	/g/	Ңң	N'n'	/ŋ/	Чч *)	ch	/tʃ/
Ғғ	G'g'	/ɣ/	Оо	Oo	/o/	Шш	SHsh	/ʃ/
Дд	Dd	/d/	Өө	O'o'	/œ/	Щщ *)	'shsh	/ʃʃʃ/
Ее	Ee	/e/	Пп	Pp	/p/	Ъъ *)		
Ёё*	yo	/jo/	Рр	Rr	/r/	Ыы	lɪ	/ɯ/
Жж	Jj	/ʒ/	Сс	Ss	/s/	Ьь *)		
Зз	Zz	/z/	Тт	Tt	/t/	Ээ	Ee	/e/
Ии	Ii	/i/	Уу	Uu	/u/	Юю *)	yu	/ju/
Йй	Yy	/j/	Үү	U'u'	/y/	Яя *)	ya	/ja/
Кк	Kk	/k/	Ұұ	Ww	/w/			
*) ka Entsprechung im Lateinalphabet								

Bis ins 15. Joahundat hom de Karakalpakn, wia aa de aundan Tuakvöika in Russlaund, Zentralasien und Sibiarien s'Kiptschak-Tatarische ois Schriftsproch gnumma, nochhea s'Tschagataische.

A eignständige Schriftsproch is s'Karakalpakische eascht im 1924a-Joa woan – dozumois is a modifiziad arabischs Alphabet eigfühd woan. Schau drei Joa späda is des duach a tüakisches Lateinalphabet easetzd woan und 1940 daun duach a aupassts kürillischs Alphabet.

1997 hod ma augfaunga, wia voahea schau de Tuakmenen und de Usbekn, dass ma sei Sproch nimma kürillisch schreibt, sondan wieda in am lateinischn Alphabet. Des nennans „neichs tüakisches Alphabet“, obwoihs auf tippisch tüakische diakritische Zeichn wia a ö oda ç oda ğ vazichtn tuad. Vüi mea Ähnlichkeitn hods mi'm usbekischn Lateinalphabet, des aa auf „Hakal und Ösn“ vazichtn tuad, dafia owa mid apostrophoatige Zeichn hantiad.

Im Netz



A *Su'wretxana*, a Fotolaboa in da karakalpakischn Hauptstod Nukus

- D'Wikipedia auf Karakalpakisch



Vh „https://bar.wikipedia.org/w/index.php?title=Karakalpakische_Sproch&oldid=506250“

De Seitn is zletzt am 22. Septemba 2015 um 12:53 gändert worn.

[Abruaftstatistik](#)

Dea Text is unta da Lizenz „Creative Commons Attribution/Share-Alike“ vafigbor; zuasätzliche Bedingunga kennan owendbor sei. Oazlheitn san in de [Nutzungsbedingunga](#) bschriebm.